

卷萬三千四百五

重 璿 總 校 官 侍 郎 臣 秦 嵩 書

學 士 臣 朝 正 家

分 校 官 編 修 臣 陶 大 臨

書 寫 儒 士 臣 張 夢 楨

圖 點 監 生 臣 徐 浩

臣 管 希 仲

永樂大典卷之一萬三千三百四十五

二寘

謚

洪武正韻時至切。諫行立號以易名也。謚法自周公始。亦作諡。許慎說文。謚行之迹也。从言分皿。闕徐錯曰。聲也。神至切。徐錯通釋以行易其名也。錯以為皿非。聲分聲也。疑脫誤。吾衍續釋衍按。謚法大行受大名。小行受小名。故從皿。器之為物。天則所容大。小則所容小。从言分皿。从分聲。今人寫从益非。謚字猶笑言啞啞字。說文無分字。又不可疑為諧聲。陸法言廣韻易名又申也。說文作謚。張參五經文字。謚常利反。上說文下字林字。林以謚為笑聲。音呼益反。今用上字。司馬光類編謚論或省又並於賜切。謚又力遂切。毛晃禮部韻畧。謚漢書賜之令謚。戴侗六書故。王公卿大夫。沒迹其德行而為之稱曰謚。周道也。孫氏伊昔呼狄二切。唐本無謚。但有謚行之迹也。字林謚从益。按易笑言啞啞笑貌。當作啞。不當从言。益从皿。分聲。亦非謚之聲。書傳謚號之謚皆從益。而謚亦从益為聲。謚益聲。郭守正紫雲韻生存之行。悉錄之曰謚。監本从分。或作謚。乃伊昔反。釋行均龍龕手鑑。謚誤。笑貌也。韓道昭五音集韻。謚之言列也。五音類聚。謚音謚。義同。孫氏字說。謚近謚音。亦楊桓六書統。謚加名於死者也。謚古

者生有爵。死有謚。狀其生善惡之迹。而為之。以言。以分。以血。分。言辭也。血祭器也。祭以告之。謂謚也。祭。鍾鼎文。熊忠韻會舉要謚。本作謚。以商濁音。

周伯琦六書正譌謚未詳。俗用謚。趙謙聲音文字通謚。凡謚。撫其所行之實誅之故。从言誅。而必祭。故从血。為祭器也。夕聲。曲禮。孤暴貴不為父。

謚法。自周公始。俗誤混書謚作謚。篆。謚。並集。謚。唐古。並。懷。非。韻會定正字切禪計禪神禪謚。書。謚。並集。謚。唐古。並。懷。

啓並見杜从古。篆。謚。徐鉉。謚。並六。隸。謚。侯成。馮。集篆古文韻海。篆。謚。篆。謚。並六。隸。謚。碑。言。緄。

碑並洪邁。謚。魯峻。謚。婁先生碑。並真。謚。歐陽。謚。柳公。漢隸分韻。謚。碑。謚。漢隸字源。書。謚。詢。謚。權。

以訛張錦 鮮于振並 草書集韻

總敘 儀禮士冠禮。古者生無爵。死無謚。注。歿士生不為爵。死不為謚。周制以士為爵。死猶不為謚耳。又曰。死而謚之。今也注。

今謂周喪記之時也。士死則謚之。非也。謚之由魯莊公之始也。周禮春官小胥大喪。師替而厥作。置謚。注。置。即拒也。古字通用。厥。與也。與。言王之行。謂諷。

誦其治功之詩。故書厥為謚。鄭司農云。注。陳也。陳其生時行迹。為作謚。大史小喪賜謚。注。小喪卿大夫也。疏。卿大夫將作謚之時。其子請於君。君親為之制謚。謚成。使大史將往賜也。禮記表記。先王謚以尊名。節以一惠。恥名之浮於行也。正義曰。謚謂謚號。名謂聲譽。言人身死之後。累列生時之行迹。作謚號者。以尊敬生前之聲名。可得傳於後世。先生論行為謚。以尊名者。使聲譽可得而尊言也。意猶善也。言聲譽雖衆。節以其行。大善者為謚也。又曰。以孤暴貴。不為父作謚。注。子事父母無貴賤等也。正義曰。本為士庶。今起為諸侯云云。謚者。列平生德行而為作其號。父賤無謚。子今雖貴。而忽為遠之。如似鄙薄父賤。不宜為貴人之父也。或舉武王為難。鄭答趙商曰。周道之基。隆於二王。功德由之。王迹與焉。凡為人父。豈能賢乎。禮弓曰。幼名冠名。五十以伯仲。死謚。周道也。大戴禮謚者。行之迹。號者功之表。樂記曰。聞其謚而知其行。禮記外傳謚法。周公所為也。堯舜禹湯皆從追議其功耳。謚者。行之迹也。累積平生所行事善惡而定其名也。有大行受大名。謂之景行。景天也。有大善若禹湯文武者。小善受小名。若宣若成。其德使也。文經天地。其德博也。武定禍亂。其功大也。汲冢周書維周公旦。大公望開嗣王業。攻于牧野之中。終葵乃制謚。敘法謚者。行之迹也。

號者功之表也。車服位之章也。若者有大功。則善號以為福也。是以大行受大名。細行受小名。行出於己。名生於人。注。名為號。左傳隱公八年。無駭卒。羽父請謚與族。公問族於衆仲。衆仲對曰。天子建德。因生以賜姓。昨之土而命之氏。諸侯以字為謚。因為族。故氏續明三傳。穀梁傳。閔公元年。曰謚所以感德也。程氏曰。正終大事也。必於正寢。而不沒於婦人之手。春秋於邦君薨。正以王法而書卒。至於葬。從其私謚。皆稱公。或曰。或葬前以貶不臣之諸侯。後以貶不孝之臣子。胡氏隱公五年。謚者行之。所以紀實德而垂勸戒也。隱公八年。古者死而不謚。不以名為諱。周人以謚易名。於是。有諱。禮諸侯不生名。五經通議。謚者死後之稱。累生時之行。而謚之。生有善行。死有善謚。所以勸善戒惡也。謚之言。列其所行。身雖死。名常存。故謚也。孔子世家補定公十四年。冉有曰。凶事不備。何謂也。夫子曰。既死而議謚。謚定而卜葬。既葬而立廟。皆臣子之事。非所豫屬也。韋昭辯釋名曰。古者諸侯薨。時天子論行以賜謚。唯王者無上。故於南郊稱天以謚之。當春秋時。周室卑微。臣謚其父。故諸侯之謚。多不以實也。蘇子由古史考謚禮傳。葬而謚。所以尊名也。其行善惡。惡為謚。所以免為善。通鑑綱目除謚法。秦始皇帝制曰。死而以行為謚。則是子議父。臣議君。

也。甚無謂。自今以來除謚法。朕為始皇帝。後世以計數。二世三世至于萬世。傳之無窮。胡氏曰。子議父。臣議君。而非其禮。罪不容誅矣。考德行之實。而天以誅之。臣子亦安得而私之哉。然後世謚法雖存。而公道不暢。為臣子者。佳佳加美謚。於君親使死受所不當得。取世訛笑。則又不若不謚之為愈矣。集覽。謚法。史記謚法解。惟周公太公。開嗣王業。建功於牧野。終將葵乃制謚。遂叙謚法。天以誅之。記曾子問篇。賤不誅貴。幼不誅長。禮也。惟天子稱天以誅之。謚。案。七。果列主時行。遂謚之以作謚。謚當由尊者成。天子稱天。以其無尊者。在天子上者。惟天耳。春秋公羊說。以為讀謚制謚於南郊。若云受之於天然。東漢書隗囂傳。昔秦始皇毀壞謚法。以一二數。欲至萬世。三國蜀志。謚所以叙元勳。論衡須頌篇云。一字之謚。尚猶明主。况千言之論。萬文之頒。張子正蒙王禘篇。天子因生以賜姓。諸侯以字為謚。蓋以尊統上。卑統下之義。韓流澗泉日記。謚所以勸功錄亦然。國家尚功之舉。非文治之所當為也。太平御覽晉中興書曰。中宗即尊號也。時賜謚。多由封爵。不考德行。王邊上疏曰。臣聞大行受大名。小行受小名。則實稱不誣而已。近代以來。惟爵得謚。武官牙門。有爵必謚。卿校常伯無爵。悉不賜謚。甚失制謚之本。今中興肇建。勲德兼被。宜深体前訓。

使行以謚彰。豈可限以有爵。中宗納焉。自後公卿無爵。而謚自遵始也。通鑑綱目詔議省祖宗謚。唐代宗大曆十四年。吏部尚書顏真卿上言。元中改在官室。始增祖宗之謚。玄宗末。姦臣竊命。有加至十一字者。案周之文。武。言文不稱武。言武不稱文。豈聖德所不優乎。蓋稱其至者也。請自中宗以上。皆從初謚。睿宗曰。聖真皇帝。玄宗曰。孝明皇帝。肅宗曰。宣皇帝。以省文尚質。正名教。本上命百官集議儒學之士。皆從真。卿議獨兵部侍郎袁孝官以兵進。奏言。陵廟玉冊。本主皆以刊勒。不可輕改。事遂獲不知。陵中玉冊所刻乃初謚也。集覽。宮室。宣宮中巷路。修倉舍反。玉冊。冊與策通。惟天子用玉為冊。王公皆用竹。錦綉萬花。谷唐制。兼三品得謚。國初已奉正三品。方得謚。其他兼贈則不得謚。并三品。方許立家廟。華護唐會要。舊制。諸執事官三品以上。散官二品以上。身巨者。佐史錄行狀。申考功。考功責歷任勘校。下太常寺擬謚。訖復申考功。於都堂集省內官議定。然後奏聞。贈官同職事。無爵者。稱子若孫。德丘園。聲實明著。雖無官爵。亦奏賜謚曰先生也。玉堂紀事。春明退朝錄。太祖時。太卿監辛贊。報朝一日。景德以前。文武官贈三品。皆不得謚。贊任三品官。乃得謚。真宗大中祥符中。命陳文僖公彭年重定。以正三品尚書節度使辛始。報朝。贈尚書節

度使評定謚自後遵用其制而日曆實錄國史皆遺其事朝野類要謚法自古有之。所以定生前之德行。每一字其義取用之端甚多。本朝立法。有雖無官而有德行。者亦賜之。皆有擬文一道。太常博士撰。吏部考功奏行之。老學庵筆記。楚語為謚。楚語曰。若武丁之神明也。其聖之。唐廣也。其治之不疚也。猶自謂未及。荆公嘗摘取唐廣二字。入表語中。蔡京為翰林學士議。神宗謚因力主唐廣二字。而忘其出楚語也。范杓更折之曰。此楚所載先帝言。必稱克齊。今乃捨六經而以楚語為尊號。可乎。京遂屈韓丞相。師朴亦云。唐廣但可作僧法名耳。時亦以為名言。衍壙新論。孔子為文宣王。隋長孫覽祖雅為大師。亦謂之文宣王。唐蘇珣。白居易。韋濬。韋叔夏。馬懷素。褚無量。劉子玄。劉知柔。盧從愿。權德輿。王起。令狐楚。崔融。皆謚文。惟韓退之為韓文公。獨顯焉。李翱為李文公。又次之。父子有同謚者。唐丘和。父子同謚者。唐劉子玄。兄弟同謚曰文。晉王導謚文成。與張良同本朝。范希文謚文正。與唐崔祐甫。開立本。牛僧孺同。歐陽永叔謚文忠。與唐韓休。裴度。顏真卿。石晉盧質同。徐禧謚忠愍。與唐武元衡同。戾太子非美謚也。而宣帝以加其祖。吾以為太子之死。與幽厲之患有間。固可以遷就而為之隱。孟子以為雖孝子慈孫。百世不能改。與夫自謚者異矣。晏元獻公。

類要謚號

王之誅謚成於天道。晉史知天道。周禮云。太史喪道之曰讀。

誅。注。遺謂祖廟之處。夫莫將行時也。人之道終於此。累其行而讀之。太師

又師替欽之而作謚替史知天道使其共其事言云云疏云禮記魯子問唯

夫子稱天以誅之云以其無尊焉彼又引公羊傳制謚於南郊替史知

天道。又於南郊祭天之所。稱天以誅之。是成於天道也。若然。先於南郊制

謚乃於遺之曰讀之葵後則稱謚變名言謚高書釋文曰堯舜皆名也馬

云皆謚也。死後賢臣錄之。臣子爲諱。故云云。卿大夫之喪。賜謚誅。後漢神

萬傳注云。周禮司勳曰。卿大夫之喪。賜謚諡。受謚於其君。列侯薨。大行。

奏謚誄冊。善選五十六。潘岳揚荊州誄曰。聖王嗟悼。龍贈食懷。誄德策勳。

考終定謚。注。漢書曰。列侯薨。大行奏謚誄冊。應劭曰。賜與謚。及表冊誄文。

七。江少雲類誌賜諡周禮卿大夫辛。太史於葬前賜諡祖奠之日讀誌。

後世有司失於申明典禮。故須門生故吏錄行狀。子孫請謚。近世歲遂有

既莠而謚號終不及者。天聖中。孫奭王子融言。乞臣寮薨謝。不待本家請。

謚。在官品合加謚者。並令有司舉行。詔從之。贈官請謚。唐制。養官三

品得贈官如韓文公曾為京兆尹兼御史大夫終吏部侍郎而贈禮部

書是也。品觀察使多贈兩省侍郎。以就三品得謚。國初以來唯正三品方

得謚兼官贈三品不得之。真宗命陳彭年詳定。遂詔文武官至尚書節度使卒。許軼朝贈至正三品。許請謚。而史失其傳。寶元中。光祿卿知河陽鄭立卒。而軼朝非故事也。宋張守節陵集臣伏見自渡江以來。圖籍散亡。祖宗謚號。有司不復省記。故於節朝祭享。止稱廟號。貶去徽稱。於義未安。臣竊恐行在臣寮之家。或有收得祖宗謚號。已使朝廷訪問抄錄。付太常。以稱陛下寅奉宗廟之意。取進止。建炎以來朝野雜記。渡江後。改謚公卿謚號。王仲言揮塵錄有之。但殊脫畧。今不能盡記。其更易者。韓師朴丞相初請謚。王剛中為博士。謚曰文禮。謚法奉議順則曰禮。取其為禮官時。不主王荆公生講之議也。而韓氏子謂自宋未有以禮為謚者。以白時相范覺。民覺民語剛中。剛中不為改。於是周吏部覆議改為文定。左選侍郎李長民。京東師魯孝序之死難也。博士錢棻謚曰剛愍。執政嫌之。乃改曰威。韓都尉嘉彥之請謚也。博士華權定為夷節。而方庭實存考功。以端節易之。司馬侍郎朴之賜謚也。博士詹林宗定以忠肅。而張敦夫在吏部。以忠潔易之。此四者皆於謚未定之前。更易者也。代州王忠植之死事也。太常謚為義節。而秦丞相以無忠字疑之。今別議。太常謂若以忠為謚。則子孫誦之。非易名之義。遂已。孝宗初立。命有司為岳飛作謚。太常議危身奉上曰。

忠。使民悲傷曰愍。孝宗以為用愍字。則於上皇為失政却之。乃改為武穆。此二者皆於謚已定。未下之前有所退却者也。劉革老丞相。初謚正肅。當矣。而正字犯丞相父名。乃改為忠肅。趙崇公叔寓。初謚敦簡。美矣。而敦字與光宗御名同音。其曾孫德老請于朝。改謚清簡。此二者皆出於謚號已下之後。然追於名諱。不容不避者也。蓋自紹興至淳熙六十餘年之間。改謚纔六七。皆有所為。非京丞相之比矣。張參政綱。初謚文定。汪聖錫為吏部尚書。駁之。乃改章簡。後其孫賁。竟復謚文定焉。經世大典。謚以揚名。以定論平生也。而群臣之謚。善惡俱存。今善者多得謚。而惡者無與立謚焉。

元史世祖紀至元二十

三年四月庚戌制謚法。

謚法

皇。沒家周書靖民則法曰皇。靖。春秋釋例同。帝。沒家周書德象天地曰帝。同於天地。春秋釋例同。王。沒家周書仁義所

在曰王。民從之也。春秋釋例仁義歸往曰王。民從之也。君。沒家周書實慶刑威曰君。能行四者。史記從之成。群曰君。民從之。春秋釋例平正不阿曰君。民從之也。神。沒家周書一人無名曰神。不名一善。春秋釋例一名無為曰神。以至無為。神道設教。史記民無能名曰神。不名一善。安仁立此。

曰神。經世大典君謚。一民無為。劉熙曰。一民使有常。不二其業。是以刑措以至無為。神道設教之化。故曰神。神農以為號也。應變無方。易

曰。神無方。能妙萬物。易曰。神也者。妙萬物而為言者也。聖不可知。孟子曰。聖而不可知之謂神。道化宜民。易曰。神而化之。使民宜之。

顯仁藏用。易曰。顯諸仁。藏諸用。鼓萬物而不與聖人同憂。聖沒家周書揚善賦簡曰。聖。所稱得人。所善得實。所賦得簡。敬賓厚禮曰。聖。厚於

禮。敬祀享禮曰。聖。既敬於祀。能通神道。春秋釋例。莫大乎聖人。虛已從諫。書曰。后從諫則聖。經世大典君謚。極深研幾。易曰。聖人所以極深

而研幾也。窮理盡性。易曰。聖人所易以窮理盡性。窮神知化。易曰。窮神知化。德之極也。能享上帝。禮記曰。惟聖人為能享帝。兼聽

善謀。六家謚法解。普之制字。以口謀之。耳聽之為聖。裁成天地。易曰。后以載成天地之道。睿智天縱。論語曰。圓天縱之將聖。書曰。睿作

聖。百姓與能。易曰。天地設位。聖人成能。人謀鬼謀。百姓與能。備物成器。易曰。備物致用。立成器以為天下利。備道全美。荀子曰。聖人

備道全美者也。文。汲冢周書經緯。天地曰文。成其道。道德傳厚曰文。無不知。學勤好問曰文。不耻下問。慈惠愛民曰文。慈以成文。慈民惠禮曰文。

惠而有禮施而文也。賜民爵位曰文。與同升。春秋釋例道德傳聞曰文。無不知。唐會要惠信接禮曰文。寬不慢廉不劇曰文。寡立不偪堅強不暴曰文。敏而好學不耻下問曰文。陳思賜謚類篇修德未遠曰文。敏而好學曰文。修治班制曰文。施而中禮曰文。剛柔相濟曰文。經世大典君謚。經緯天地。春秋左氏傳曰。經緯天地曰文。道德傳聞。六家謚法解。文之所該遠矣。道德足乎已。而暢乎四肢。發乎事業。非奪其所聞者。孰能光大如是哉。修德未遠。論語曰。遠人不服。則修文德以來之。德洽四國。詩曰。夫其文德洽此四國。徽柔懿恭。書曰。文王徽柔懿恭。聖謨丕顯。書曰。丕顯哉。文王謨。化成天下。易曰。觀乎人文。以化成天下。純穆不已。詩曰。維天之命。於穆不已。於乎不顯。文王之德之純。后妃謚。克嗣徽音。詩曰。思齊文王。所以聖也。又曰。天如嗣徽音。慈惠愛民。劉熙曰。文德之治。以慈惠養民者也。故曰文。德美才秀。春秋左氏傳曰。子產之從政也。擇能而使之。馮簡能斷大事。子太叔美秀而文。臣謚。博聞多見。六家謚法解。博聞多見。和順積中。而英華發外。可以謂之文矣。敬直慈惠。六家謚法解。敬直以處已。慈惠以行之。剛而能柔者也。剛柔相助。所以為文德也。勤學好問。易

曰學以聚之問之辯之。修治班制。禮記曰天子聽衛國之政。修其班制。不亦文乎。與賢同升。論語曰。公叔文子之臣大夫僕。與文子同升諸公。子聞之曰。可以為文矣。武汲冢周書大志多窮曰武。武志行兵。多所窮也。剛彊直理曰武。剛無欲。陰無德。直正直理。志怒。威強敵德曰武。與有德者敵。克定禍亂曰武。以兵佐故。能定除為武也。夸志多窮曰武。武志兵行多所窮。德吏記刑民克服曰武。法正民能使服。陳思賜謚類編保大定功曰武。剛強以順曰武。關土斥境曰武。折衝禦侮曰武。唐會要關土拓境曰武。帥眾以順曰武。經世大典君謚。克定禍亂。劉熙曰。能定禍亂。使就清夷。故曰武。禁暴武兵。春秋左氏傳曰。夫武禁暴戢兵。保大定功。安民和衆。豐財者也。克有天下。春秋左氏傳曰。克有天下。睿智不稼。易曰。吉之聰明。睿智神武而不殺者夫。卹民除害。史記曰。是故先王非務武也。勤恤民隱。而除其害也。臣謚。除亂靖難。六家謚法解。除亂靖難者。人臣之大節也。帥眾以順。春秋左氏傳曰。晉魏絳有言曰。帥眾以順為武。折衝禦武。春秋左氏傳曰。折衝於尊俎之間。詩曰。子曰有禦侮。赴敵無避。春秋左氏傳曰。武不避難。關土斥境。六家謚法解。詩曰。昔先王受命。有如召公。日關國百里。孟子

曰。欲闢土地。朝秦楚。皆言武之事也。成。沒冢。周書立民立政。曰成。政以安之。春秋釋例。刑民克服。曰成。法以止民。能使服也。陳思賜謚類篇。禮樂

明具。曰成。持盈守滿。曰成。遂物之美。曰成。通達強立。曰成。經世大

典君謚。經德秉哲。書曰。經德秉哲。自成湯至于帝乙。成王畏相。民

和神福。春秋左氏傳曰。於是乎民和而神降之福。故動則有成。政立民

安。六家謚法解。立政安民事之序也。至於政立民安。斯可謂之成矣。

持盈守成。詩曰。太平之君子。能持盈守成。道兼聖智。文選。四子

講德論。文學夫子曰。昔成康之世。君之德歟。臣之力也。先生曰。非有聖智

之君。惡有甘棠之臣。后妃謚。夙夜警戒。詩曰。故陳賢妃貞女。夙夜

警戒。相成之道焉。曲直赴禮。春秋左氏傳曰。能曲直以赴禮者。謂之

成人。不亦宜乎。仁化純被。詩曰。天下純被文王之化。仁如騶虞。則王

道成矣。臣謚。通達強立。禮記曰。九年智慮通達。強力而不反。謂之

大成。不忘久要。論語曰。久要不忘。斯可謂成人矣。佐相克終。國

語曰。佐相以忠。克成令名。德備禮樂。論語曰。文之以禮樂。亦可以謂

成人矣。德見於行。易曰。君子以成德為行。日可見之行也。康。沒冢。

周書。溫年好樂。曰康。好豐年勸民事。安樂撫民。曰康。無四方之虞。令民安

樂曰康。富而教之。春秋釋例淵源流通曰康。性無忌。陳思賜謚類編撫民安樂曰康。溫良好樂曰康。經世大典君謚。安樂撫民。六家謚法解。成

王之時神祇祖考安樂之矣。至于康王。不忘保釐之命。猶曰欽若先王成烈。以休於前政。所謂安樂撫民者。豈能安兆民。國語曰。自稷之始基

靖民。十五王而文始平之。十八王而康克安之。俊民用章。書曰。俊民用章。家用平康。久膺多福。書曰。予小子。久膺多福。后妃謚。溫良

好樂。劉熙曰。性。能溫良。好樂不荒。所以安也。故曰康。壽考且寧。詩曰。壽考且寧。以保後生。保民迪吉。書曰。奕惟民迪吉康。務德不

采。春秋左氏傳曰。務德不爭。靖退而安民。臣謚。寬裕和平出廣謚。敬而有禮。禮記曰。人而有禮則安。無禮則危。保衛社稷。孟子曰。有

安社稷。臣者。以安社稷為悅者也。造道自行。孟子曰。君子深遠以道。欲其自得之也。自得之。則居之安。動而無妄。出蔡條。獻。汲冢周書聰

明睿哲曰獻。有通知之德。博聞多能曰獻。雖多能。不至大道。憲無內德曰獻。無內德。謂惡不成也。史記智哲有聖曰獻。有所通非修道。陳思賜謚類

編。嚮惠內德曰獻。鄉惠德元曰獻。智質有聖曰獻。經世大典君謚。聰明睿智。劉熙曰。獻。猶軒軒在物之上。之稱。取四德可謂高在物上曰

獻 嚮惠德元。劉熙曰。嚮。猶上也。元也。施恩惠而有德。軒然高顯。故曰獻。智質有聖。六家謚法解。爾雅以獻為聖。劉熙曰。以智質有聖為獻。蓋本諸爾雅。妃謚。賢德有成。論語曰。文獻不足。故也。足則吾能徵之矣。注。獻。賢也。徵。成也。臣謚。傳聞多能。六家謚法解。爾雅以獻為聖。而語以獻為賢。然則傳聞多能。謂之賢也。智。能。翼君。書曰。民獻有十。夫子翼。學。該古訓。書曰。學于古訓。乃有獲。懿。汲冢周書。溫柔。聖善。曰。懿。性。能。純。善。春秋。釋例。柔克為懿。溫柔。聖善。曰。懿。陳思。賜。謚。類。編。柔克有光。曰。懿。體和居中。曰。懿。經世大典。君謚。愛民質淵。劉熙曰。愛養下民。其質如淵之受物也。故曰懿。體和居中。六家謚法解。懿。俊德之美也。體和居中。君子所以有德者如此。德浸光大。楊子曰。浸以光大。不亦懿乎。后妃謚。溫柔聖善。詩曰。母氏聖善。我無令人。柔克有光。六家謚法解。烝民之詩。民之秉彜。好是懿德。而繼之曰。仲山甫之德。柔嘉惟則。令儀令色。蓋言仲山甫之有懿德也如此。臣謚。文德充實。易曰。小畜君子。以懿文德。秉彜好德。詩曰。民之秉彜。好是懿德。尚能不爭。春秋左氏傳曰。世之治也。君子尚能。以讓其下。是以上下有禮。讓。恩。默。遠。由不爭也。謂之懿德。章陳思。賜。謚。類。編。法度大明。